

擊鉢吟鄂集

新竹德興書局
發行



擊鉢吟鄂集卷下

食筭

五首

凍雷驚後索籬邊 配取櫻桃佐酒筵 長與老饕供食料 渭川千畝即腰田 旭初
 清脆攜來入饌鮮 櫻厨新供暮春天 類年生怕葷腥味 爽口同參玉版禪 幼培
 持贈人來自渭川 酸丁盤豆味逾鮮 有材合讓竿頭進 呪竹東坡見太偏 蓉池
 劇得貓頭味絕鮮 不須染指已垂涎 命運轉恨無新語 為有蘇黃唱和篇 達堂
 竹山住近不論錢 供入春厨咀嚼便 漫與北人話南食 累他煮箆口流涎 達堂

試燈風

四首

剪翠裁紅各鬪妍 燈光搖豔月初弦 六街滾滾香塵起 正在金吾弛禁前 幼軒
 輕暖輕寒人日前 夜來吹索變晴天 明朝風定攜僮去 買取玻璃一椀懸 達堂
 天街未弛金吾禁 已覺風聲到耳先 惹得兒童齊問訊 春燈三五值多錢 蓉池
 街塵吹散早春天 風信連番月上弦 憶到吳門燈市景 河塘旋轉萬家煙 賓賓

媚猪

五首

內家粉黛失嬋娟 獨愛元妻一笑媽 試上宮人斜上望 牡丹雖黑冠花田 魯汀
 妃呼豨曲唱纏綿 倚翠翻成拍蠡肩 應識猪婆是龍種 君王一見獨生憐 魯汀
 全人總覺脰肩肩 豕視翻憐一笑媽 始信承恩不在貌 烏金名位冠三十 賓賓

大體隻如獸比肩
婁豬諦視轉嫣然
妃呼豨曲難重唱
腸斷降王執梃年
連堂
黑面郎君笑倚肩
糟糠風味足流連
深宮一樣承恩寵
人羨當年慘孰憐
翰江

秦淮夜泊

九首

畫舫明燈載水仙
虹橋繫纜月華圓
煙波如鏡星辰靜
人影衣香尚比肩
咸熙

瓜皮小艇六朝船
濫濫春江月子圓
夾岸酒家近燈舫
豔詞醉唱杏花天
賓實

浩劫茫茫閱十年
白門疎柳故依然
竭來短棹停珠市
西舫東船悶管絃
翰江

隔岸樓臺棘院前
一輪明月桂花天
可憐試罷歸來後
猶聽笙歌夜不眠
咸熙

斜月迷離古渡邊
王郎舊事憶當年
桃根桃葉人何在
流水聲聲咽管絃
翰江

六朝金粉散如煙
無復繁華似昔年
今夜青溪孤棹泊
暮鴉疎柳白門前
少竹

漠漠青山渺渺天
白門楊柳故依然
雨花臺下傷心地
小劫何堪證畫禪
魯汀

板橋舊路付寒煙
小艇重來意悄然
隔岸不聞商女唱
通津門外水連天
魯汀

十六樓中散管絃
蓬萊小劫又桑田
我來柳岸尋殘月
燐火空隄弔晚烟
紹庭

贖典

十二首

博徒三褫不終朝
幾領春衣笑剝蕉
故物還忽人屬目
料因王采擲成梟
賓實

子母昏錢不肯饒
號寒兒女可憐嬌
老妻肯捨私囊蓄
拚擋春衣度歲朝
幼培

故物纔還氣使驕
蒙戎坐擁傲豐貂
子錢什一憑銷算
焚卷何須小惠徼
仝城

釵釧多因貫酒銷 年來薑篋已寥寥 何期合浦珠還日 依舊雲鬟顫翠翘 升香
清况年來冰一條 每因質米脫豐貂 殘冬舉債籌庚贖 預備隨班賀歲朝 翰江
敝裘質米因無聊 且喜今年館殺饒 返璧還珠竟如願 歸來持向老妻驕 達堂
男錢女布漸豐饒 還有餘資贖紫貂 從此江頭拌節飲 免教薑篋史蕭條 咸熙
黃金已盡况豐貂 揮手徒供意氣驕 今日珠還重認取 酒痕襟上未全消 幼培
襤被欣逢券未消 依然伴我度寒宵 平生故物如良友 娶首從今天久要 蓉池
青氈還我度寒宵 挾纒纒温腹又枵 始悔子錢皆浪擲 從今莫更借青苗 達堂
黃金到手氣能驕 不悔從前質黑貂 翻笑主人如外府 一年忙到歲除宵 賓賓
為謀美酒拌將去 纒覺微寒又見招 自笑春衫如社燕 一年相見總寥寥 魯汀

桃花夫人廟

五首

結子無言恨未消 誰歌楚些為魂招 門前潭水深千尺 憑弔新停過客橈 賓賓
惆悵靡蕪已寂寥 桃花倏又長桃梟 強顏雨露承新寵 縱使無言恨未消 任城
故國冤魂不可招 無言結子恨難消 居隣鸚鵡洲邊墓 一事思量愧玉蕭 達堂
天生尤物畫難描 竟作桃花逐浪漂 若使紅顏拌殉國 當年獻舞舌空饒 達堂
綠葉成陰恨不消 東風人面總無聊 可憐亡國無貞婦 花蕊他年入宋朝 魯汀

拗九

七首

孟陬小建數今朝 恰是珠來月盡宵
春酒正香詩興勃 衙齋勝會約賓僚
蓉池喜神梅瓣已寒消 燕九重來又幾朝
爆竹聲中蒙鬼臉 謝燈不復鬧元宵
魯汀春燈都付夜闌燒 兒女平分粥一瓢
轉眼清明好時節 又聽深巷賣錫蕭
幼培九九寒圖取次消 又逢小盡數今宵
淖糜可但紅錫配 甕底雞纖味更饒
遠堂熬粥還將孝順標 胡麻豇豆雜烹調
目連此日腸堪斷 鬼母靈魂不可招
少竹佳節他鄉不寂寥 粥瓢啜後又詩瓢
豆糜已辦年糕配 挑菜良辰擬再邀
遠堂老人閒坐說村謠 今日南風不許驕
略帶微寒天最好 好澆溫水浸秧苗
幼軒

譽兒癖

四首

睥睨諸君傲俗僚 雄才奇氣本超超
兒曹一賦滕王閣 多少詞人已折腰
賓賓雛鳳原期翥九霄 誇張何必向賓僚
君家名父饒高行 史傳千秋尚寂寥
遠堂縱說佳兒頭角硯 揄揚終恐導虛憍
文臺生子皆神異 庭誥何曾獎借邀
遠堂世間碧眼本寥寥 佳話三珠豈易邀
我愛太邱囊一字 難兄難弟共聯鑣
咸熙

春江花月夜

三首

碧波濫濫水無泡 如此良宵不忍拋
畫舫吳孃新度曲 花香月影對雲髻
賓賓水輪冉冉吐林梢 夜集江樓約故交
忽憶虎邱燈舫裏 波光如練碇初拋
遠堂落紅庭院飛玄鳳 澄碧江天舞凍蛟
如此好花如此月 唐人佳作費推敲
幼培

女字梅

六首

花身拗作篆紋交

玉骨雙雙不露梢

誰展冰綃傳小影

垂髻人立女牆坳

咸熙

本來姑射神仙種

拗作樞杈轉見嘲

輸與液池人字柳

天然風韻短長梢

翰江

亞成鐵幹供堂坳

卍字欄干屈曲交

好是女牆人小立

月光移影上簷梢

賓賓

巧匠能將畫意鈔

拆枝重為續鸞膠

遙憐冷月娟娟影

篆體分明玉筍交

咸熙

垂垂珠顆尚含苞

盆盎新分半露梢

等是芳閨初待字

海棠雖聘不成交

遠堂

膽瓶斜插供堂坳

斗室居然作鳳巢

更向寒閨商位置

雲鬟霧鬢影相交

賓賓

洗桐

六首

洗到凌雲百尺梢

高人高樹水論文

中郎焦尾同珍重

肯任柯亭爨下拋

少竹

喬柯密葉影相交

金井涼生六月梢

漫道無枝高百尺

俗塵未沅鳳難巢

華洲

金井闌邊樹影交

淨指不受俗塵淆

安排畫幃涼陰裏

時有清風到筆梢

遠堂

百尺孤枝影自交

引泉摩洗向牆坳

懸知畫譜新添處

定有收香么鳳巢

幼培

扶疎老幹植堂坳

不遺纖塵著綠梢

知否主人淘洗意

秋高恐有鳳來巢

佺城

引泉課僕滌烟梢

潔癖倪迂世共嘲

我道菩提本無樹

若爭垢淨見何膠

遠堂

荷錢

二首

田田細葉影相交

疑是縷環水面拋

直待養成擎雨蓋

沈郎舊樣免重鈔

遠堂

不假水衡能鼓鑄 居然泉志欲傳鈔 我來飲馬池塘上 斜日風搖行帶交 少竹

牽牛花

八首

井梧涼月挂蠨蛸 卧看雙星卷乍拋 絕好晚粧花正放 淡紅紺碧影相交 伯雙

河鼓星明銀漢靜 無聲涼露溼堂坳 豆苗瓜蔓扶疏外 傍晚籬邊正吐苞 伯雙

瓜棚豆架碧相交 涼影頻頻盞底拋 開到夕陽心力倦 卷衣斜倚女牆坳 汝翼

藤蘿漸見小園交 綽約秋風晚吐苞 斜漢西傾河鼓現 月痕屋角挂蠨蛸 魯汀

紺碧輕盈綴草梢 秋風秋雨冷牆坳 湘妃漢女凌波去 獨處依然等擊匏 遠堂

白丑還兼黑丑交 擷來秋實一囊包 不愁淡悶無良藥 覓得經方手自鈔 遠堂

入秋幾日放新苞 籬角凝香露點拋 絕好銀河星耿耿 一痕弓月上簾坳 萃洲

比作黃姑認不淆 綠絛紫綬正垂梢 何當種向支機畔 石老開花結素交 賓定

猴串戲

六首

纔充供奉著排袍 面具蒙時又帶刀 等是逢場聊作戲 不妨升木吏教猱 佞城

戴冠沐後著緋袍 竿木隨身演一遭 莫笑猢猻頑性在 內廷供奉久曾叨 貞如

攀援長技壓同曹 舞熊郎當戲亦豪 勘破歡場終一散 猢猻入袋枉勞勞 少竹

頭銜自比楚王豪 優孟衣冠感叔敖 長把烏龍充戰馬 笑他功狗未酬勞 魯汀

曾充供奉著緋袍 遊戲紅塵未脫絛 只恐登場溷鬼儔 北山無復鶴同高 賓實

平生猿嘯恣貪餐 此日登場末技操 甘著衣冠受束縛 只因膽落割雞刀 卑洲

雞聲

八首

喔喔膠膠漫自豪 羣中誰與鶴同高 孟嘗門下三千客 狗盜隨聲半此曹 翰江

霜華殘夜慄征袍 江上秋風客繫舫 忽聽一聲天下白 水程曉發又勞勞 魯汀

烈士雄飛氣尚豪 閨人戒旦義同高 中宵起舞鞭誰著 每聽膠膠感二毛 子儁

待漏千官靜不驚 天風吹冷曙霜袍 更籌盡後雞人唱 第一聲中曉月高 少竹

殘宵纔息犬牢牢 又聽遙村膈膊號 觸到東裝遊子感 霜天茅店月輪高 徐城

海潮聲裏聽三號 觸起征人百感牢 六合茫茫聊起舞 中宵待旦勗同袍 竇實

三歲為株漫自豪 朱朱祝祝幾同曹 先鳴畢竟知誰是 勇爵齊廷愧濫叨 達堂

喚醒殘夢赴勞勞 漸近天明唱愈高 同聽惡聲同起舞 劉琨祖逖定誰豪 遠堂

借冠

五首

手縛么魔付賊曹 瀕行父老挽旌旄 好官也似荊州借 臥徹攀轅不憚勞 魯汀

部曲紛紛挽節旄 重來竟奉詔書褒 二疎久有懸車志 一歲向留在爾曹 達堂

穎川治行肅秋毫 民望殷時主眷叨 莫怪漢廷循吏盛 最移權不屬鈴曹 紹庭

穎川萬戶被郵膏 尚冀攀留駐節旄 繼起君家傳治譜 萊公古柏矗雲高 幼培

穎川萬井拜旌旄 節度還思借一遭 我感贊皇去朝右 孤寒八百枉沾袍 咸熙

唱橄欖

五首

兩頭尖曲和同曹 建步胡梯捷似猱 記得前番龍眼熟 歌聲一樣過雲高 翰江
檀香樹上倚梯高 生怕枝頭飽老饕 一曲村歌教屬和 聲聲猶是土音操 幼培
安仁溪上繫輕舸 青子紛紛採摘勞 齊和兩頭尖一曲 竹梯斜倚夕陽高 遠堂
分甘未許一枚叨 直上初枕唱愈高 何不紅藍落青子 免教蟬噪聽嘈嘈 遠堂
竹梯聳峭入雲高 度曲還教口舌勞 我道不妨權罷唱 回甘餘味讓人叨 仝城

煮鶴

十首

跳盪當年狎怒濤 鍊成骨格最清高 化龍縱說身無分 終算雲霄一羽毛 遠堂
費盡閨人拾指勞 剔毛攬翮滌腥臊 從今不恨魚多骨 骨瘦須知品更高 遠堂
骨相差儕燕雀曹 誰憐身世困腥臊 龍門燒尾平生志 會向雲霄奮羽毛 伯雙
千頭戢戢逐波濤 忽擬雲霄振羽毛 我想令威家世貴 肯教非種雜腥臊 汝翼
秋盤斫膾試銀刀 換骨猶教刻劃勞 觸起烹魚兼夢鶴 欲攜斗酒過臨皋 賓賓
雞羣獨立品原高 骨鯁平生久自豪 他日來軒榮授秩 魚頭參政合同曹 仝城
烹鮮妙手試銀刀 玉帶登盤口福叨 斫膾須將丁枕護 等閒控鶴有兜曹 華洲
水深極樂憶觀濠 換骨偏宜立九皋 彷彿鯤鵬神變化 南溟浩蕩水雲高 少竹
飯罷魚殘巧樣操 居然傅翼似將翔 因思馬糞王家戲 珠鳳凰原絳蠟膏 魯汀

厨頭蛻化滌腥臊 從此雲霄展羽毛 想見吳都傾市日 有人义手正觀濠 淡香

雞臺夢

四首

六朝衰盛須臾事 等是繁華夢一遭 不待楊花零落後 吳公臺下話牢騷 遠堂
樓船歌舞駕千艘 夢裡評花醒後豪 轉眼興亡同一轍 春蘭秋菊價誰高 幼培
吳臺起短夢妖囂 蘭菊評章一字褒 飛盡楊花君不見 錦帆猶泛廣陵濤 咸熙
瓊花玉樹譜雲傲 腸斷歡場攪夢勞 莫唱矮雞冠一曲 千門萬戶正蓬蒿 賓賓

曲子相公

五首

按拍曾磨十斛螺 銅琶鐵板自摩抄 綸扉調燮無多事 裙子新聲唱研羅 幼培
官家舊譜楊花曲 內宴新編栲栳歌 難得相公更跳脫 紅牙拍板唱迴波 賓賓
入直歸來擁翠蛾 拋餘紅豆聽清歌 香奩集嫁冬郎去 尚有新詞唱研羅 遠堂
和羹事業竟如何 歌舞歡場寄興多 提倡應由李天下 登臺更倩敬新磨 魯汀
五姓河山夢裏過 給廡相業寄聲歌 可知忠愛香奩集 瑞露靈芝自不磨 咸熙

邯鄲才人嫁為廡養卒婦

七首

紅顏命薄奈天何 世上從來恨事多 太息此生經墮落 重尋故步已蹉跎 遠堂
誰今下走辱青娥 月老龍鍾註 訛 辜負如花好顏色 岑通堆裡淚痕多 幼軒
鴛鴦芳牒易蹉跎 彩鳳隨鴉可奈何 盡使美人得佳耦 奇男世上本無多 幼軒

薄命如花逐逝波 霍家奴配青蛾客 何須更拜中郎將 得賜娉婷幸已多 魯汀
當年挾瑟近何如 狼藉花枝受折磨 也似名場人左謫 黃梁夢醒感懷多 連堂
儂梳鴉髻畫雙蛾 郎著蠻靴荷短戈 莫怨姻緣成錯注 從來下走起家多 仝城
樽前一曲舊清歌 錦瑟年華怨已多 偏是落花成墜溷 世間萬事實連波 貞如

女嬰砧

五首

湘纍久已赴湘波 縱言申申可奈何 三峽江流一片石 神歸聲裡夕陽多 連堂
我欲投詩弔汨羅 神歸江上怕經過 秋風木葉蕭蕭夜 疑是砧聲入夢多 幼培
行吟阿弟抒哀歌 贏得蟬娟抱恨多 今日神歸江上過 聲聲楚些繞煙蘿 幼培
騷怨千秋付逝波 淒涼片石恨如何 聲聲和到湘靈瑟 秋雨秋風泣薜蘿 蓉池
繁杵敲秋咽恨多 蘋中木上和哀歌 神歸瀨淺江流急 烟月蒼茫望汨羅 賓賓

桃花扇傳奇題後

六首

一腔義憤感雙蛾 血點星星扇上多 竟累紅顏墮浩劫 東林黨禍酷如何 貞如
處堂燕雀事如何 開府猶思戀綺羅 碎首願同擊賊笏 諸公應愧負恩多 旭初
田仰空勞為執柯 蛾眉辦死待如何 填詞吐盡青樓氣 燕子春燈愧色多 連堂
卻聘辭奩受折磨 高飛能避北山羅 可知南部春風樹 原是人天火宅荷 咸熙
春燈影裡送山河 俠氣青樓自不磨 家國恨兼兒女恨 秣陵秋唱感懷多 咸熙

收拾興亡付浩歌
云亭仙客自情多
香樓水榭消沈盡
腸斷燕脂滙上波
咸熙

爾虎

八首

剪綵裝成虎變多	爪牙添出肖如何	莫蟻傳翼終無分	會脫凡胎化作蛾	賓賓
機杼功成巧足多	彈丸脫手細摩挲	帽簷小小都蹲虎	笑看兒童側弁俄	佗城
面目山君尚未訛	爪牙纏縛待如何	威嚴畢竟輸狐假	供與兒童玩弄多	汝翼
桓桓氣燄猛如何	變態居然出爾窩	莫詫胭脂威重甚	祇因眉嫵鬪雙蛾	遠堂
腹中經緯早包羅	不是紛紛羊質多	漫笑爾絲難大用	泰山已報政無苛	遠堂
想象斑奴幻相多	戲編蠶繭配香羅	深閨裝束工陪襯	髻效盤龍黛染螺	萃洲
縱裝牙爪辟邪魔	不及縹絲織綺羅	始悔詩壇誇繡虎	自纏自縛恨才多	淡香
幼相於菟現爾窩	端陽藉此辟邪多	招魂我更懷荆楚	角黍纏絲弔汨羅	伯雙

籌邊樓

七首

一籌獨運樓曾造	十里能窮目不遞	燹道邛圖如指掌	何須聚米與量沙	少竹
籌邊節帥駐高牙	百尺危樓枕晚霞	四壁畫圖千里目	種花乾鳥靖蟲沙	映藜
迢迢邛楚下三巴	料敵樓高鎮塞沙	營到平泉知將略	隴西雨鳥日南花	升香
莫詫軍書辦咄嗟	輿圖四壁繪周遮	當年相業思名父	韜略還欣子克家	萃洲
胸中成算勝兵家	坐鎮何愁虻射沙	銷得兩川烽火靖	登樓把盞看種花	遠堂

形勢山河憑聚米 芻糧軍火藉量沙 蜀都舊蹟峻增在 明月高樓咽暮茄 賓實
戍樓荒草夕陽斜 使相當年此建牙 淩絕鬼門關外去 平泉藥井冷丹砂 紹庭

勅相

六首

力排衆議愈紛拏 只為毫釐千里差 天變人言都不恤 相公官禮是專家 魯汀
臺閣原來有倒茄 人情不近總姦邪 當年四相占金帶 君是垂梢婪尾花 遠堂
君實舊曾殷汲引 老泉久已辨姦邪 病民誤國緣剛愎 空有文章附大家 魯汀
愈經辨駁愈紛拏 遑恤安危繫國家 贏得同朝傳話柄 相公癖性似芝麻 遠堂
執拗都緣學術差 青苗已兆亂萌芽 當時我恨元城輩 不向朝堂壞白麻 貞如
熙豐新政亂如麻 末路深知立法差 清議激成崎虎勢 可憐負氣誤官家 旭初

姮娥奔月

六首

竊藥飛昇念已差 廣寒無計竟回槎 至今怨海填難滿 夜夜清輝減月華 賓實
紅牆咫尺即天涯 桂樹年年秋作花 拋下可憐渾不管 卻來月府捉蝦蟆 映藜
願作神仙不戀家 廣寒消息渺天涯 如何射日誇神技 未向蟾宮一矢加 遠堂
飛仙飛去謝繁華 回首紅塵舊夢賒 只有寒黃還戀主 一生同作鏡中花 遠堂
可是前身金粟花 清虛桂府許為家 飛仙去後留名字 借與人間張麗華 遠堂
聳身飛去踏蝦蟆 管領璇宮八萬家 方信碧空多俠女 阿香也解駕雷車 幼培

釵頭鳳

四首

弃捐久似浪淘沙
 邂逅還如蝶戀花
 惆悵沈園一樽酒
 鵲橋仙不度靈槎
 玉釵猶顫鬢邊鴉
 勞燕分飛後會賒
 姑惡聲中腸欲斷
 杜鵑淚點漬桃花
 薄命天教作落花
 樽前重對緒如麻
 紅酥手與黃藤酒
 雙宿鴛鴦為願總賒
 求鳳無分不勝嗟
 綠酒紅酥日易斜
 為問花鈿諸侍女
 沈園春柳綠誰家
 賓賓

聞鐘

五首

帷燈斗室靜無譁
 霜路烏啼月又斜
 睡醒披衣記前事
 十年塵海惜繁華
 一聲鞦韆出東華
 如水天街月欲斜
 正是郊壇齋宿夜
 十官鷓立靜無譁
 一聲喚醒夢麻茶
 五蘊皆空萬念賒
 從此耳根厭塵俗
 僧樓長住不思家
 天光如水月光斜
 百八蒲牢數不差
 惟有貴人聽未慣
 邯鄲夢裡正繁華
 十年聒耳厭箏琶
 梵響名山夢又賒
 昨夜振衣登太華
 碧天如水月西斜
 咸熙

克隱

六首

徵書漫說選賢良
 誓墓何曾戀故鄉
 祇恐被他猿鶴笑
 蒲輪來去太倉皇
 捷徑終南久濫觴
 朝堂轉借隱君光
 不充替紱充閑散
 未必人甘卧藥房
 紛紛登進滿朝堂
 卻恥山林士不藏
 歸隱也須天子使
 古來巢許費商量
 已窺中旨叩行藏
 且應徵車上帝鄉
 夕下除書朝欲聘
 歸來三徑未全荒
 幼培

隱士能增史册光
興朝盛事此鋪張
卻教皇甫留遺恨
恨不真除著作郎
能忍斯饑屏稻梁
此才究亦費商量
倘教捧檄中先熱
盼到微書竟束裝

櫻桃

四首

紅暈微微帶粉光
小庭一樹倚斜牆
美人晚起下階去
自折花枝照靚粧
樊素青歌最擅場
絳脣尚帶口脂香
相思紅豆難重摘
淒斷江州司馬腸
垂垂珠顆葉中藏
山鳥銜殘喚客嘗
更向厨頭添穉筍
一尊婪尾佐春觴
佳果新登到上方
玉盤分賜侍臣嘗
年來內熱消除盡
不向中官覓蔗漿

照相

六首

陰陽離合總神光
攝入澄瑩鏡一方
此是狂奴真面目
團沙勝捏睡稽康
寫意終嫌急就章
白描究竟掠浮光
何如傾刻摹來妙
眷屬團圓共一堂
莫慳影搨紙千章
論價憑教貴洛陽
肖到入神都叫絕
畫工工筆祇尋常
本來面目現昂藏
阿堵傳神技絕長
我怪形骸都逼肖
靈臺一點照無方
寫真何須費推詳
繪影全憑海上方
一笑管窺終著相
色空思議總荒唐
玻璃鏡裡照容光
雙影翩翩立雁行
惻我相思留贈我
故人如面謹收藏

回心院

四首

團扇秋風百感生
長門何日更歡迎
至尊念若妾疇昔
花盼重開月再明

任城

金鋪塵閣淚珠瑩 鳳革猶承顧問情 為語君王求故劍 良方先合免倉庚 成照
後房專寵有傾城 故劍摩挲空復情 銷盡返魂香一炷 鸞膠獺髓續難成 遠堂
僥倖君王作此行 受恩猶冀續前盟 無因翻觸蛾眉嫉 醉骨都教葬酒甕 遠堂

房老

六首

退閒莫道主恩輕 粉黛班中數老成 卿比綠珠僥倖甚 免教孫秀索傾城 遠堂
管領裙釵燕與鶯 風情老去屬傾城 山盟海誓尋常負 錦瑟華年恨不平 賓寔
年華衰盛判枯榮 偏說閨中重老成 欲向方家乞丹訣 雞皮還少不勝情 幼培
良緣自分了三生 羞為蛾眉專寵爭 十二金釵歸管領 春風度曲教離鶯 翰江
主恩原不負傾城 管領羣芳付老成 寄語少年人莫笑 他時此坐屬卿卿 貞如
司花一席屬卿卿 梓澤春風戀故情 比似名場人早退 留將衣鉢付門生 遠堂

讀吳梅村圓圓曲

五首

遼海新傳血戰名 通侯內宴出傾城 何須更遺崑崙僕 越國紅綃已目成 魯汀
縞素三軍血淚傾 君親義比美人輕 鈕家觚觥吳家曲 大長蠻王愧此生 魯汀
禍水總當釀亂萌 枉誇趙璧返連城 白頭祭酒留詩史 搗鼓漁陽禰正平 遠堂
不為蛾眉不請兵 英雄倒底是多情 散闕粧鏡重開日 卻華千金洗此名 幼培
怒髮衝冠起請兵 紅顏情重國仇輕 白頭祭酒傳詩史 一字千金改不成 幼軒

圮上授書

五首

未報韓仇恨不平 一椎博浪剩餘生 那知圮上傳兵法 孺子終成命世英 任城
 陰符傳授不容輕 進履先教意氣平 惟有英雄能忍辱 淮陰跨下也成名 蓉池
 從龍奇傑不虛生 授簡仙人賞識精 料得書中兼吐納 晚途辟穀保功名 幼培
 運籌帷幄勝陳平 一卷書藏十萬兵 焚遍六經燒盡史 欲惡黔首笑秦嬴 旭初
 陰符授後無蹤跡 黃石空教訪穀城 自是秦時隱君子 傳書不必更傳名 遠堂

海棠顛

八首

捲單映肉酒微醒 如此紅粧見未經 博士蓮花本情種 一春傾倒惜惺惺 遠堂
 家家團扇已摹形 更趁尋芳馬不停 為對紅粧傾倒甚 頻呼風漢任園丁 貞如
 尋芳竟不問居停 如夢曹騰酒未醒 一樹梅花一務觀 好春隨處聘娉婷 遠堂
 碧雞走馬幾番經 疎放詩翁興未停 要替梅花商下聘 不知春睡可曾醒 賓賓
 一春騎馬闖園亭 不管名花睡未醒 料得家家團扇上 也應並影寫娉婷 容池
 含苞纔破兩三星 走馬詩人幾度經 應有綠章乞司命 春風留取護園亭 幼培
 高燒銀燭宵猶照 老入芳叢日幾經 但使春陰長未散 先生癡醉不曾醒 升香
 每尋名友叩柴扃 總似昔騰酒未醒 合比子猷行看竹 主人與客兩忘形 映蘊

先炊

六首

設主原應在灶徑 千家舉火賴神靈 但嘆爆竹沿閩俗 猶說燔柴本禮經 魯汀
厨門每飯念先型 脫粟雖微許薦馨 炊黍光陰榮易度 阿婆今亦鬢星星 遠堂
不教每飯忘先型 黍稷無多亦薦馨 太息舉家仰塵甑 乞靈之術午炊停 蓉池
報本猶存古典型 禮經特載設盆瓶 另炊縱不因人熱 也熱心香奉灶徑 翰江
浙米予頭萬險經 但邀果腹即神靈 阿婆一笑人間世 多少黃梁夢未醒 幼培
家常新米賴調停 食報無慙黍稷馨 執爨祇今歸灶姬 可憐香火屬奴星 賓賓

官梅

十首

香夢侵尋酒半醒 相看月白與燈青 衙齋作伴同琴鶴 不向江南寄驛亭 魯汀
難得詩人官轍經 名花權為作居亭 補栽更擬捐清俸 無數寒香擁硯屏 遠堂
春光先逗宰官庭 三兩南枝綴幾星 笑我哦松成冷宦 寒天瘦骨共伶俜 咸熙
孤芳未許老巖扃 移值衙齋歲月經 自笑一官如傳舍 名花翻作我居亭 升香
雪花釀冷酒盃停 疏影槎枒對硯屏 莫遺吟懷輸水部 負他東閣夜燈青 幼庭
吟情東閣夢魂醒 冰署清游記昔經 轉恨江南留滯久 一枝春未寄郵亭 翰江
作伴衙齋歲月經 渡江春共柳條青 極知東閣哦詩好 終戀湖西放鶴亭 幼軒
丁卯梅衣六角亭 公餘手植課園丁 年來老幹誰珍護 愧比甘棠在訟庭 遠堂
蘇署得古梅六十年老樹也以與予同庚名子曰丁卯梅

暗香陣陣透疏櫺 自種名花當畫屏 鈴閣風和新雪霽 散衙叉手課園丁 幼培
暗香疏影繞窗櫺 多少詩人宦微經 傲骨終當勝官柳 不因冠蓋眼垂青 賓實

東里拜國大夫祠

五首

抗衡兩大免憑陵 國棟功能佐中興 大烈特留遺愛在 一時悍族憚威陵 幼培
蔓尾紛紛謗口騰 終將遺愛繫聲稱 尼山片語榮華袞 從祀無慙兩廡升 任城
循吏名曾史來登 濟寬用猛想威陵 千秋俎豆隆朱曲 遺愛仍將眾母稱 貞如
學製慙無眾母稱 一官一邑恐難勝 洧川倘補先賢傳 潤色文章我尚能 賓實
遺愛曾將眾母稱 若論抱送究無徵 借公名字邀公福 祈嗣紛紛薦豆登 魯汀

避債臺

五首

歲事殷時拾級登 債家何處逞踴陵 築臺尚有中人產 不算全無尺寸憑 連堂
一民尺土竟無憑 逋負追呼總莫膺 太息鹿臺財散盡 後王祖武愧難繩 幼培
雁行債主肆憑陵 逼上高臺第一層 誰是孟嘗門下客 盡焚義券對舩校 遠堂
運衰守府亦虛稱 逃債無方苦不勝 翻羨燕昭饒國用 置金臺上讓人登 賓實
子母清償竟不能 藏身無地強飛騰 王侯一例傷窮困 蛾避山頭句踐登 升香

喜聞肅州告捷

六首

凱唱遙傳喜氣騰 酒泉功績踵金陵

先皇廟筭

今皇福諸將功多敢自矜幼軒

西陲孤鼠久憑陵 忽報紅旗喜不勝 從此干戈消腹地 願歌采芑頌中興映慕

葭峪關前殺氣騰 瓜沙從此懾威陵 酬庸自是

朝廷事聞帥言功總不矜幼培

士馬紛紛正飽騰 花門雖悍險難憑 紅旗十八臺飛遞 踏破闌干百丈冰遠堂

滇池鏡唱步金陵 又見西陲露布登 世界昇平

天子福老臣額手望觚稜遠堂

么魔未許抗威稜 秦海鯨波已不興 豈但酬庸兼將相 紫光圖畫又新增翰江

伯牙琴臺

五首

漢水西來怒浪騰 山光大別聳峻嶒 平沙雁落秋風起 疑有餘音在上層幼培

高臺漢上峙峻嶒 琴石模糊志乘登 聞道夔襄有絕技 弁山一賦讀誰能賓實

年來漢上駐行滕 郢曲巴歌聒耳憎 山月有音人已渺 荒臺落日恨重登旭初

澎湃江聲萬馬騰 移情何必海山登 荒臺猶在知音渺 遺散千秋絕廣陵貞如

流水聲中曲檻憑 高臺壘出白雲層 精靈中夜知來往 還約鍾期把臂登升香

傭書

八首

行脚嗟同託鉢僧
 拈毫可似秘書丞
 生涯莫笑窮酸甚
 萬本鈔成閱歷增
 遠堂
 欲擲毛錐尚未能
 空言食肉相飛騰
 兒時曾讀揚州表
 每到揮毫憶彥昇
 汝翼
 鈔胥不失舊儕朋
 旅食還思上舍登
 生怕崔司徒口授
 萬言腕脫恐難勝
 魯汀
 烟海文多聚未能
 好憑聖手殺氣騰
 傍人休笑王僧孺
 祕閣書厨早寢興
 魯汀
 打窗風雨颭寒燈
 銀海生花手若冰
 裨販鍾王供一飽
 誰憐聲價重金繪
 伯雙
 謨觴祕本付鈔騰
 學到成時價便增
 比似兜寬作都養
 早從蠖屈卜飛騰
 魯汀
 喚作鈔胥敢不磨
 晨書暝寫老猶能
 莫教孟浪輕投筆
 可有奇才佐中興
 賓賓
 陳陳萬紙日鈔勝
 寒士生涯搦管能
 不及彩鸞寫唐韻
 簪花仙格價偏增
 子傷

印泥

七首

蓬鬆曾蓄三年艾
 細膩親調八寶油
 聞道丹砂出白漏
 美官倘許稚川求
 賓賓
 筆牀西畔硯池頭
 自搗紅泥貯一甌
 蘄艾辰砂容易辦
 祇愁配合遜漳州
 幼培
 尺書藉汝封緘固
 小篆憑將姓字留
 碾碎珊瑚新配就
 商量仙置到冰甌
 幼軒
 八寶調勻異彩浮
 金章篆出寫銀鈎
 武都紫土人間少
 偏何君恩寵小侯
 貞如
 調將象筋貯冰甌
 白蠟勤添巨勝油
 試印澄心堂紙上
 墨華丹篆共千秋
 幼培
 錯疑紅雪貯冰甌
 縹帙鈐章寶色浮
 老我問情訂金石
 累累無復夢封侯
 升香
 辰砂蘄艾取材優
 象筋調勻置案頭
 書畫收藏鈐紙尾
 不關寒具手沾油
 遠堂

文旦柚

五首

天生尤物數漳州
橘綠橙黃未足侔
若問嘉名誰筆錫
梨園尚解道根由
幼軒

西羅柑外更無濤
海上天生此物尤
為有可人名字在
常持高價不輕售
達堂

舞衫歌扇舊風流
死抱香根碩果留
一樹霜苞冠閩海
何須錫貢說揚州
翰江

玉骨雖消絮果留
團圞一樹綴金球
千秋誰上櫻桃塚
瘴雨蠻烟黯黯愁
幼培

昔年絳樹埋香地
佳果還同橙橘收
恰似素馨容絕代
花田魂斷不勝秋
賓實

鈔詩課女

六首

明珠掌上愛偏尤
手稿都教次第收
莫笑阿翁苦多事
古來詩教本溫柔
貞如

玉臺新詠鏡臺收
繡閣餘閒囑枚讐
好似維摩呼月上
鬢絲禪榻伴清修
魯汀

知汝吟情迥不侔
佳篇先付錦囊收
阿翁傳塔還儲硯
妝閣他年好唱酬
達堂

問字時教就素頭
學詩原不弄奇求
請看伏女經能授
八詔三盤誦若流
幼培

聰明知是幾生修
不屬男兒屬女流
針黹餘閒蓄詩料
塔鄉倘亦解賡酬
幼培

商量元白問錢劉
憶到青閨待字秋
二十年來詩父老
淵源猶在繼聲樓
適鄭

繼聲樓試帖
二卷 達堂

韓侂胄大舉伐金

四首

河山破碎難收拾
家國倉皇有隱憂
此舉縱云聲罪討
轉招胡騎動邊郵
賓實

朝廷俯首事金甬 螳臂區區矢復仇 若數玉津園罪狀 此條尚不愧春秋 遠堂
朝廷曾唱白符鳩 未造居然託復仇 誤到乞和函首昇 相公此舉太無謀 少竹
相公閫外擁貔貅 伴食頻年藉蓋羞 百萬生靈孤注擲 臨安王氣黯然收 旭初

趙鬼讀西京賦

六首

憑虛公子微言諷 大旨原因戒宴游 導媚貢諛援口實 翻言賦是古詩流 遠堂
柏梁災後建章修 厭勝巫言本謬悠 狎客更循方士轍 可憐滄海已橫流 魯汀
憑虛一賦誦如流 蟲念阿房似此不 長夜飲闌歌舞散 但聞新故哭啾啾 遠堂
已見屠沽屬冤旒 吏將詞賦當歌謳 可憐鴨劇旋同食 二十三年國步休 伯雙
才人詞賦自千秋 藉口翻供媚子流 何似相如逢狗監 功名但為進身謀 伯雙
閱武堂荒楊柳秋 梁臺建後罷宸游 清歌子夜真同調 辜負華林一矢投 汝翼

梵嫂

四首

前身遮莫是文禽 比翼來棲祇樹林 郎似維摩儂法喜 不妨同夢更同心 幼軒
竟攜眷屬到叢林 相對禪房花本深 欲為圖澄傳法嗣 天魔原是度人心 魯汀
歡喜人天結願深 皈依竺國有同心 不知常住供香火 鑄佛曾無捨臂金 賓賓
禪家緣法踵吞鍼 秘密同參喜不禁 但祝釋迦真抱送 會看佛種降叢林 幼培

齊宣王娶無鹽女為后

四首

不妨自獻承箕帚 竟許蒙恩鼓瑟琴 情種眼中無醜婦 登徒好色是同心 紹庭
好醜齊觀真遠識 况聞四殆獻良箴 鍾離已分蓬頭老 刻劃何期得賞音 賓賓
貌醜妾深慚歷齒 情多王竟合同心 後宮不少如花女 三五宵征枉抱衾 幼培
辜負平生好色心 深宮嫔母領群陰 憐才倘亦沿成例 王粲何須感貌侵 達室

麩糊

六首

窗紙黏封無縫尋 斷碑裝標付摹臨 忠臣補牘還需此 抗疏龍墀表赤心 蓉池
調和一樣登蒸甌 枵腹終難作點心 惟有紙窗多漏洞 藉他補綴免寒侵 賓賓
玉麩裝題費苦心 零縑斷楮易消沈 一經補綴成完璧 不算無功翰墨林 達室
玉麩冰糖幾酌斟 一盂更付沸湯焯 中年病母憐嬌子 代乳聊充小點心 卅香
酸氣原因醞釀深 膠黏終覺負初心 酪漿豆腐知難比 留作中丞軟餅箴 達室
塗抹原知無大用 酸寒究不負初心 呂端小事聊如此 莫怪時賢世故深 魯汀

冰梅紙

五首

疏櫺亞字碧沈沈 紙背通明著不侵 忽訝寒天香撲鼻 梅花三弄鼓瑤琴 幼培
羅紋無此寒光射 蠶繭輸他畫理深 凌亂光中經拂拭 通明應許敵澄心 幼培
紙背中含畫意深 夜闌呵凍伴清吟 明朝曉起推窗看 疏影暗香無迹尋 映藜
冰紋斜裂痕初釋 梅影交橫冷獨禁 斗大一齋塵不到 詩人藉證歲寒心 翰江

勝他雪浪與泥金 尺幅中含畫理深 此紙若教糊閣老 也應不負歲寒心 遠堂

送宮人入道

五首

空中色相靜中參 莫把深宮往事談 見說瑤池方受錄 願拋鳳扇侍鸞驂 翰江

鉛華屏絕禮瞿曇 團扇長辭感不堪 聽到蒲牢聲百八 景陽宮裡憶朝參 幼培

長辭廣內向精藍 白鶴青鸞許並驂 弄玉飛昇真解脫 莫因蕭史又生愁 魯汀

許修淨業證瞿曇 便卸宮裝意亦甘 只恐自尊念疇昔 才人不久住尼庵 遠堂

星冠月帔學禪參 往日繁華味早諳 應笑玉霄充散吏 紅塵十載戀朝簪 華洲

峴山碑

五首

輕裘緩帶鎮襄南 父老猶將往事談 墮淚感恩留片石 千秋遺愛繼棠甘 少竹

讀罷碑文落日含 去思父老口能談 隆中遺廟柴桑宅 耆舊襄陽鼎足三 賓贊

穹窿屹立枕烟嵐 行客摩挲眼淚含 身後自留遺愛在 沈碑不作杜征南 遠堂

太傅威名婦孺諳 漢南人去柳旄旛 後來節度襄樣 重讀穹碑感不堪 遠堂

強對東吳陸抗堪 斷無杯鴆毒江南 襄陽片石留遺愛 敵國還應墮淚談 魯汀

摸金校尉

五首

部曲何須將略諳 秋毫無犯笑常談 發塚更存中郎將 始信韜鈴在使貪 幼培

暗中摸索任窮探 氣現金銀虎視耽 一語負人憑道破 奸雄本色是貪婪 佺城

將軍自拜漢征南
掘窖居然作美談
部曲起家半賴無
夥頤府第盡潭潭
紛紛鼠輩佐狼貪
金穴金阮到處探
發塚元常求八法
將軍號令久深諳
穴裡金魚手可探
爪牙分布視耽耽
奸雄神器猶窺竊
黃白搜求不算貪

蕭何追韓信

六首

國士無雙將略諳
倘教遺敵漢何堪
不如同作興朝傑
好與留侯鼎足三

淮陰當日羞偏忍
鍾室他年死豈甘
只有文終能賞識
不教交臂失奇男

匆匆歧路挽征驂
國士相期語不慙
漢世知人君第一
還將相位薦曹參

一騎追回國士驂
登壇壯志展奇兒
若論富貴緣推挽
更費千金報亦堪

丈夫未遇尋常事
鵬翼何妨更徒南
欲為功名甘俯就
淮陰原不算奇男

虎鬪龍爭亂未戡
相需如臂去何堪
他年免盡烹功狗
丞相終懷死友慙

劍魚

三首

銀刀潑刺雪花粘
出水干將擬不嫌
想欲化龍猶有待
且仍魚服在淵潛

得魚下酒味無兼
持比銀刀價更廉
客邸頻年思故劍
縱難生致或糟淹

無鱗偏苦齒牙尖
斫膾時煩女手纖
為汝脫胎成養鶴
從今莫再露鋒銛

梅花嶺弔史閣部

六首

寒梅樹下朔風嚴
故相衣冠此拜瞻
江佐偏安原失計
督師未算昧韜鈴

嶺上梅花朔雪嚴
江上偏師火已燭
萬樹寒香簇嶺尖
調停中外一身兼
君王曲傲無愁度

辦香人向墓前拈
國亡遑恤此身殲
摩抄斷碣淚痕霑
其奈金陵火已燭
臣子歌同正氣嚴

孤臣忠骨拋何處
孤臣自為明朝死
九京知有山河感
毅魄至今招不返
南度朝廷無片土

留得衣冠萬古瞻少竹
擁立當年本不嫌紹庭
不及偏安宋建炎遠堂
梅花香裡朔風尖咸熙
梅花猶繞亂峰尖翰江

走馬燈

四首

幢幢燈影隔霜縑
颺輪旋轉不停淹
變動光明能事兼
連乾相屬遞郵籤

屬日人疑馬首瞻
紙背通明馬首瞻
飛輪旋轉挂風檐
紙背微昏火又添

知是看花是看榜
回憶長安曾策騎
我來試看行空勢
世上有人忙似汝

飛行不作一塵纖旭初
看燈市上看花兼翰江
觸起文機向筆尖貞如
熱車如炙慣趨炎遠堂

焚香告天

四首

臣心精白鬼神覘
常凜天威咫尺嚴
一琴一鶴侍行幃
睦州保障久安恬

豈代爐香一瓣拈
心香一瓣表清廉
中夜盟心最謹嚴
參政居然律已嚴

憶自中宵呼不可
下官自盥中宵手
不待香烟通帝座
自表臣心冀神鑒

東風飛絮已泥沾遠堂
不是侍兒紅袖添幼培
彼蒼早已鑒清廉幼軒
琴堂每夜辦香拈賓賓

老鳳攜雛入社監謂公群賢頭角亦新茁 殘年共把屠蘇酒 建幟吟壇效鼓僮達堂

二妙齊名籍與咸 吾家猶子附征驂 五辛盤裡哦詩送 盼取泥金報帖緘竹修

與續姪約伴同上公 中行有日矣 達堂 賓從追陪少長咸 忘却明朝是除夕 酣吟直到日西銜升香

屠蘇酒約先期飲 白戰詩同禁體嚴 勞我精神還祭汝 尖叉險韻鑿嶙函仝城

一笑吟肩瘦欲剝 梅花如絮撲征衫 明朝莫更將癡費 詩不能癡總落凡達堂

凝香畫戟集吟衫 錢臘哦詩拂硯函 三百年來無此樂 好留鴻爪莫教剝咸熙

暫展行期緩轡銜 武昌酒暈清吟衫 好追漢上題襟集 翡翠蘭苕索一函賓實

晋安風雅重閩巖 鄂渚偏師又鼓僮 明日祭詩羅酒果 還隨鞭鐙捧吟函賓實

含笑花

五首

嫵媚丰神最不凡 絳唇微破瓠犀銜 女郎十五眉初展 兩頰微渦對鏡函賓實

春恨春愁一時芟 微帶軒渠對鏡函 花韻也如人意好 綠縹香襯杏黃衫賓實

淡粧如看道家衫 每對傾城老眼鏡 蠲忿合歡雖解事 箇中丰韻判仙凡幼培

何須解語聽喃喃 傾國傾城已不凡 莫向山阿商位置 慕予窈窕恐傷讒達堂

芳蘭芳芷易傷讒 蔓草荒藤未可芟 花不能言徒齒冷 傍人誰復悟機緘達堂

秋葵

五首

一顆花枝土一杓 最宜籬落與山巖 金風莫漫催蕭瑟 向日秋心未忍芟 幼培

劇得間庭土一杓 瓜棚豆架護同嚴 憑將吉語先期祝 盼取金花報帖緘 閩人為

金花投報 遠堂 極杈密葉莫輕芟 露重微黃透破緘 絕好美人花下立 配他顏色著秋衫 遠堂

簾幙西風夕照銜 秋花顏色上羅衫 可憐黃蝶紛飛日 上計秦嘉滯遠函 咸熙

輕黃朵朵映秋衫 點綴階階自不凡 我憶蜀葵開更好 幾株載上錦江帆 咸熙

糟糠漉盡甕開緘 好配鮮魚啖老饒 不待糟頭飛乳落 釀香已暈酒人衫 貞如

糟香噴薄甕開緘 壓醉還勞女手摻 我愛黃嬌風調好 不曾釀熟眼先饒 遠堂

甕頭先借一杯銜 僥倖黃嬌慰老饒 恰似醍醐初灌頂 紛飛佛乳濟塵凡 草洲

纔逢麴母心先醉 未上糟牀眼已饒 知否女兒猶待字 索郎嘗正盼開緘 魯汀

南樓話別 三十首

高位難辭責備嚴 初心尚冀友朋監 若論風月資吟嘯 老子胸襟較不凡 遠堂

為思苦笋脫朝衫 惜別何須石闕銜 贏得西辭黃鶴日 錦囊詩句壓歸帆 遠堂

鶴軒叨竊久思銜 終竟間雲戀故巖 好是不將官柳去 鋤梅先已辦長饒 遠堂

征西返棹去思咸 江草繁愁不可芟 我欲故園同買夏 相期東海早揚帆 魯汀

庾公幕府自清嚴
觴詠風流卻不凡
愧我曾充賓客列
七年門館舊恩銜

滌將司馬舊青衫
風月南樓露鏡函
惆悵武昌官柳折
翩翩飛鳥望征帆

飽看沙鳥與風帆
七載紅泥迹未芟
黃鵠磯頭回首望
酒闌別淚涇征衫

行向江城掛布帆
武昌官柳正毵毵
須知此地無多聚
莫負花朝盃共銜

半席漁樵返故巖
落梅笛裡戒裝嚴
秋風一棹過蒼雲
莫遺江湖滯客帆

飽將詩卷壓歸帆
圖畫天開彙一函
他日登樓怕回望
垂楊終古此毵毵

功成早退悟機緘
不待秋風已挂帆
我亦行辭黃鶴去
灑蘭沅芷易傷讒

題襟漢上集吟髭
忍盼離亭掛客帆
從此南樓幸好夜
遙情空付鯉魚函

妖氣萬里掃長櫂
揮手功成返故巖
悵我天南歸未得
十年猶自戀朝衫

萬縷離情不可笈
依人舊燕語呢喃
但論風雅歸提唱
也合臨歧曉淚銜

一封乞退却朝衫
歸隱閒身戀故巖
料檢行裝挈琴鶴
更餘詩卷壓征帆

掛冠新喜脫朝衫
不愛江魚愛海蟾
為想閩南諸父老
菊花時節送歸帆

登樓暢聚轉愁緘
目極江頭盡去帆
我更涓陽增別緒
相依十載舊恩銜

男亦作歸計 貞如
飛鴻時盼寄瑤函
錫我箴言勝史監
還約榕陰同聚首

觴詠頻年少長咸
只今詩社屬誰監
何時此地談風月
再起東山詔命銜

一盤首宿話酸鹹
少竹

武昌官柳引征帆	詩滿行囊酒滿衫	我獨一官增落拓	臨風南望九仙巖	<small>旭初</small>
與公本意在棲巖	曾署征西幕府銜	今日遂初真作賦	望將蒼雪隔仙凡	<small>淡香</small>
歸舟江漢掛征帆	何以轅駒脫轡銜	杯酒不常詩事散	此樓風月屬誰監	<small>幼培</small>
群公清興正非凡	忽唱驪歌返故巖	我有一言臨別贈	順風時節早收帆	<small>幼培</small>
投簪依舊著青衫	愧對尊前別酒銜	我亦行辭江漢去	劍津相約話松杉	<small>子儂</small>
當年絳帳聽韶咸	開府風流本不凡	願得將身作蘭芷	隨公收拾上歸帆	<small>汝翼</small>
海天萬里卸歸帆	京洛緇塵尚滿衫	更折武昌官道柳	離愁如草不勝芟	<small>伯雙</small>
曾陪末座談風月	幾見賓筵置史監	從此南樓無領袖	誰將詩句別酸鹹	<small>仲耦</small>
三疊陽關別淚銜	南來猶幸見征衫	汪倫不及桃花木	萬里江天送客帆	<small>仲耦</small>
故鄉父老望歸帆	認取雙雙鬢髮髭	郝道詩翁猶矍鑠	十年換得好頭銜	<small>仲耦</small>
南浦詩成自署銜	離情未了復開函	一麾久負騷壇約	借紙傳鈔眼亦饒	<small>仲耦</small>

版權所有

昭和七年六月十五日印刷
昭和七年七月十日發行

擊鉢吟詩集

全書十六冊

定價金三円二角

新竹市西門百五番地

編輯兼發行人 洪仁和

印刷者 上海中原印刷廠

新竹市西門百五番地

發行所 德興書局

代售處 臺灣全島各大書局

不許複製



無章

不憑



德興圖書局廣告

敝號自辦 上海各書 局出各版 種書籍如 經史子集 詩文筆記 論說尺牘 字典辭源 法帖畫譜 善書佛經 卜易星相 醫書小說 社會交際 工藝製造 諸參考書 無不齊備 定價從廉 批發克己 倘荷惠顧 竭誠歡迎

佩文韻府	角山類腋	增廣事類統編	詩韻合璧	詩韻全璧	詩韻集成	詩學含英	尚友錄統編	詳十八家詩鈔	馮李義山詩集	美人千態詩詞	唐宋詩醇	許劍南詩鈔	精李太白集
全一冊	附韻海 洋中紙 六冊	洋中紙 十三冊	洋中紙 五冊	洋中紙 六冊	全一冊	全一冊	洋中紙 十二冊	洋中紙 十六冊	洋中紙 八冊	全一冊	全一冊	全一冊	全一冊
一百元	三元六角	三元五角	一元二角	二元五角	四角	四角	三元五角	四角	一元八角	六角	三十元	二元八角	八角

仿殿本斷句	王註漢書補註	仿殿本前後漢	仿殿本三國志	正續資治通鑑	大雅樓畫寶	三希堂畫報	飛影閣叢畫	辭源	增中華字典	康熙字典	中華新字典	大字康熙字典	影印大字康熙字典
洋中紙 二十冊	洋中紙 四十冊	洋中紙 八冊	洋中紙 十二冊	洋中紙 冊	全一冊	全一冊	全一冊	全一冊	全一冊	全一冊	全一冊	洋中紙 六冊	洋中紙 全書十冊
八元	十六元	二十四元	四元	四元	四元	四元	四元	四元	二元	二元	一元	二元	一元

依時照碼實售三折至七折不等
中華民國壹零貳年壹月卅日

贈送

昭和七年六月十五日印刷

昭和七年七月十日發行

擊鉢吟鄂集卷下

(定價金二十錢)

新竹市西門一〇五番地

編輯兼發行人 洪 仁 和

印刷者 上海中原印刷廠

新竹市西門一〇五番地

發行所 德 興 書 局

代售處 臺灣全島各大書局

版權
所有
不許
複製

國家圖書館



004388280



線

851.486

8266:2-2

v.9:2

舊籍